

**LANKIDETZA HITZARMENA NAFARROAKO KIROLAREN INSTITUTUAREN (NKI)
ETA NAFARROAKO
FEDERAZIOAREN ARTEAN NAFARROAKO KIROL JOKOEN (NKJ) XXXIV.
EDIZIOA ANTOLATZEKO**

Iruñean,.....(e)koaren(e)an

BILDURIK:

Alde batetik, Miguel Ángel Pozueta Uribe-Echeverria jauna, Nafarroako Gobernuko NKIko zuzendari kudeatzailea (IFK: Q-31-50025-I).

Eta, bestetik,jauna/andrea, Nafarroako
Federazioko lehendakaria (IFK:.....).

Beren karguak ematen dizkien eskumenez baliaturik, eta dokumentu hau formalizatzeko behar adina ahalmen aitorturik elkarri,

ADIERAZTEN DUTE:

1. Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoaren 44.14 artikulua Nafarroako Foru Komunitateari erabateko eskumena esleitzen dio kirola sustatzearen eta aisialdia egoki erabiltzearen arloetan.

Urtarrilaren 24ko 335/1986 Errege Dekretuaren bitartez, kirolaren arloko eginkizun eta zerbitzuak eskualdatu ziren Estatuko Administrazioetik Nafarroako Foru Komunitatera. Foru Komunitateari esleitu zaizkion eginkizunetako bat, espresuki aipatua, eskolako kirol jardueraren sustapena eta antolaketa da.

Nafarroako Kirolari buruzko uztailaren 5eko 15/2001 Foru Legeak kirol politikaren helburuak aipatzen ditu 3.s artikuluan; besteak beste, oinarrizko kirola bultzatzea eskola mailetatik hasita, beste edozein kirol praktikaren aurretik, funtsezko gunez jotzen baita kirolak Nafarroan aurrera egiten badu maila guztietan.

Orobat, aipatu foru legearen 6.2.g artikuluan agerienez, Foru Komunitateko kirol administrazioaren eskumena da Nafarroako kirol txapelketa ofizialak antolatzea nahitaezko eskolaldian dauden kirolarientzat, edo haiek antolatzeko baimena ematea.

2. NKIren estatutuak onesten dituen azaroaren 15eko 326/2019 Foru Dekretuak ezartzen du Nafarroako Gobernuari kirol arloan dagozkion eskumenak erakunde autonomo horrek gauzatuko dituela, Kultura eta Kirol Departamentuko titularraren planifikazioaren, zuzendaritzaren eta babesaren pean, eta estatutuek berek ezartzen duten irispidearekin.

Kirolaren Zuzendariordeak eginkizun hauek izanen ditu:

a) Nafarroako kirol federazioak eta, hala badagokio, Nafarroako beste kirol entitate batzuk koordinatu eta babestea eskuordetu zaizkien eginkizun publikoak betetzen ari direnean, haien jarduera pribatua ezertan eragotzi gabe.

b) Derrigorrezko eskolatzeko adina dutenentzako Nafarroako kirol txapelketa ofizialak antolatzea, edo hala badagokio, beste batzuek antolatzeko baimena ematea.

c) Kirol jarduera sustatzea.

Era berean, Kirola Sustatzeko Atalari dagozkion eginkizunen artean, hauek daude:

a) NKJak bultzatu, koordinatu, kudeatu eta gainbegiratzea, gehienbat eskola-umeentzako kirol programa gisa, kirolaren balio hezitzaileak sustatuz, kiroltasuna bereziki, Nafarroako kirol federazioekin eta toki entitateekin elkarlanean.

b) Eskola-umeek kirol jarduerak egin ditzatela sustatu eta bultzatzea.

3. Nafarroako XXXIV. Kirol Jokoen Foru Komunitatearen esparruan txapelketa ofizial gisa biltzen dituzte joko horietan sarturiko jarduera eta kirolak, kimu, haur, kadete eta gazte kategorietan, eskolatik kanpoko aldiak. Aurreko edizioetan halaxe egin da, eta oinarrizko esparrua finkaturik dago dagoeneko. Hala, joko hauetan egiten dena kirola denez gero, kirol federazioek hartu behar dute parte, esleituak dituzten eginkizunak betez.

NKJen antolaketa Kultura eta Kirol Departamentuari dagokio, NKIren bidez, kirol federazioekin batera, haien esku utzi baita antolaketa orokorra.

Ondorio horietarako, eta azaldutakoarekin bat, honako hitzarmen hau ezartzen dute, klausula hauei jarraikiz:

KLAUSULAK

LEHENA. Nafarroako Federazioak onartzen du XXXIV. NKJen deialdia eta araudia, oso-osorik, NKIko zuzendari kudeatzailearen Ebazpenak onetsitakoak. NKI hitzarmen honen parte da, eta bere gain hartzen ditu aipatu deialdian programatutako lehiaketak egin ahal izateko beharrezkoak diren lanak.

BIGARRENA. NKIk bere gain hartuko du egin beharreko jardueraren kostua, NKIren eta kirol federazioaren arteko berariazko lankidetzak hitzarmenean zehazten den moduan. Kontzeptu hauengatik eginen dira ordainketak:

- Partida edo jardunaldi arrunta antolatu eta garatzeagatik,euro, partida edo jardunaldi bakoitzeko.
- Finalak antolatu eta garatzeagatik,euro, final bakoitzeko.
- Osasun zerbitzuengatik (anbulantzia, osasun langileak),euro, edo zerbitzuaren kostu justifikatua.
- Materiala garraiatzeko eta pistak muntatzeko zerbitzuagatik,euro edo zerbitzuaren kostu justifikatua.
- Kirolariek auto partikularretan egindako joan-etorriengatik,euro kilometro bakoitzeko.
- NKIrekin adostutako proiektuan parte hartzen duten federazioetan balioen delegatua izateagatik.

Gastua egotzita duen kontzeptu bakoitzari aplikatu zaizkion zenbatekoak hitzarmen honi erantsitako dokumentuan justifikatzen dira.

Beste gastu orokor batzuk:

- Autobusean antolatutako garraioa zuzenean ordainduko die NKIk zerbitzu hori ematen duten enpresei, zerbitzuaren lizitazio publikotik aurrera, haren emaitzaren arabera.
- Garaikur, domina, txapela eta aitortzen gastua zuzenean ordainduko die NKIk zerbitzua ematen duten enpresei, hornidura esleitzen denetik aurrera, haren lizitazio publikoaren emaitzaren arabera.

AUTOBUS GARRAIO ANTOLATUA.

NKIren konpromisoak.

1. Parte-hartzaile guztiei berrmatzea joan-etorriak garraio antolatuan, NKJen deialdian ezarritako baldintzetan.
2. Astero, kirol federazioei beren modalitateko bidaien plangintza banatzea; astearteetan, 14:00ak baino lehen.
3. Astero, ostegunetan, 14:00ak baino lehen, posta elektronikoki bidez ematea aste horretarako aurreikusitako autobusezko joan-etorri guztien behin betiko plangintzaren berri.

Kirol federazioen konpromisoak.

1. Txapelketaren egutegiak prestatzea, autobusak nola aprobetxatu joan-etorrietan kontuan hartuta.
2. Osasun krisiak iraun bitartean, autobusak betetzea, kontuan hartuta NKJen araudi osagarriaren VI. eranskinean xedatutakoa eta osasun-agintaritzak unean-unean ematen duena.
3. Zein astetan egitekoa den jarduera, haren aurreko ostiralean aurkeztea modalitate bakoitzerako aurreikusita dauden joan-etorrien proposamena.

4. Aurreikusitako joan-etorrien berri ematea talde eta klubei, eta aurreikusitako plangintza federazioaren web-orrian argitaratzea. Jakinarazpen hori jardunaldiaren aurreko osteguneko 14:00ak baino lehen egingen da.

5. NKIrekin eta klubetako arduradunekin lan egitea, autobusez egiten diren joan-etorrietan parte-hartzaileen jarrera egokia izan dadin eta, gorabeherak izanez gero, behar bezala ebatz daitezzen, NKIko arduradunei horien berri emanda. Gorabeherak larriak izanez gero, berehala jakinarazi beharko dira.

HIRUGARRENA: garaikurren, dominen eta txapelen eskaera posta elektronikoki bidez (jd@navarra.es) egingen zaio NKIri, ezarritako ereduari jarraituz, haiek eman baino 20 egun lehenago gutxienez. Garaikurra edo/eta domina emanen zaizkie kategorian, sexu eta espezialitate bakoitzeko lehen hiru sailkatuei, NKJen deialdian ezarritako baldintzetan, ondoren zehaztu bezala:

KIROL MODALITATEA	ESPEZIALITATEA	KATEGORIAK	GARAIKURRA	DOMINA	POSTUAK

LAUGARRENA. NKIren diru-ekarpenak ordaintzeko, kirol federazioak aurretik aurkeztu beharko du faktura elektronikoa (FAKe), aurkeztutako gastuen aldian egindako kirol probak adierazita. Aparteko gastuak edo aurreikusi gabekoak ordain daitezke, beharrezkoak edo ezinbestekoak badira jarduera egiteko, NKIren oniritziarekin. Eskaera Kirolaren Zuzendariordetzari egin behar zaio erregistro bidez.

Fakturretan argi azalduko da zer kopuru ordaindu behar den kontzeptu bakoitzarengatik, baita zer aldiri dagozkion ere.

Eranskin bat gehituko da, eta, hartan, fakturaren hurrenkera berean, ordaindu beharreko kontzeptuak zehaztu eta justifikatuko dira, honela:

- Partiden edo jardunaldien kopurua, eta zein tokitan eta orduetan jokatu diren, programan parte hartzen duten kategorien arabera.
- Finalak, zein tokitan eta orduetan jokatu diren adierazita.
- Osasun zerbitzuei dagozkien datuak, honako hau jasoz: zerbitzuaren xedea eta egunak, anbulantzien zerbitzua eman duten pertsonak edo entitatea, edo jardueran parte hartu duten osasun langileak, zerbitzuaren kostua eta dagokion fakturaren zenbakia. Zerbitzua eman duen entitatearen edo pertsonaren faktura erantsiko da.
- Materiala garraiatzeko eta pistak muntatzeko zerbitzuei dagozkien datuak, honako hau jasoz: zerbitzuaren xedea eta egunak, zerbitzua eman duten pertsonak edo entitatea, zerbitzuaren kostua eta dagokion fakturaren zenbakia. Zerbitzua eman duen entitatearen edo pertsonaren faktura erantsiko da.
- Jardunaldi bakoitzean auto partikularretan mugitu diren taldeak, bakoitzak egin duen kilometro kopurua xehaturik.
- NKIrekin adostutako proiektu pilotuan parte hartzen duten federazioetan balioen delegatua izateagatik.
- Aparteko gastuei edo aurreikusi gabekoei dagozkien datuak, honako hau jasoz: gastuaren xedea, zerbitzua edo hornidura egin duten pertsonak edo entitatea, zerbitzuaren edo horniduraren kostua eta dagokion fakturaren zenbakia. Zerbitzua edo hornidura egin duen entitatearen edo pertsonaren faktura erantsiko da. NKIko Kirolaren Zuzendariordetzaren baimena beharko da gastu horietarako.
- Fakturan sartutako kontzeptu bakoitzari buruzko ordainagiriak aurkeztu beharko ditu kirol federazioak. Honako hauek onartuko dira: bankuko frogagiriak; "ordaindua" zigilua daramaten fakturak, hornitzaileak sinatu eta zigilatuak; fakturari erantsitako erosketatiketa, edo beste edozein agiri, dagokion faktura ordaindu dela frogatzen duena, edo kontratua osorik edo partez egin dela frogatzen duen balio bereko agiri bat. Agiri horiek

gehienez ere hilabeteko epean aurkeztu beharko dira, NKIk federazioari dagokion ordainketa egiten dionetik hasita, edo, bestela, txapelketaren hurrengo aldiari dagozkion eranskinekin eta fakturarekin batera.

BOSGARRENA.–Diru-sarrerak:

- Talde-kiroletan, taldeen zerrenda, izena emanda dauden kirolarien kopurua eta, kirol modalitate horretan izena emateko epea behin bukatuta, programan parte hartzeko gaikuntza lortzeko tasetan ordaindutako diru-zenbateko guztia.
- Banakako kiroletan, parte hartzen duten kirolarien kopurua, eta, kirol modalitate horretan izena emateko epea behin bukatuta, programan parte hartzeko gaikuntza lortzeko tasetan ordaindutako diru-zenbateko guztia.
- NKJen araudia ez betetzeagatik taldeei edo banakakoei jarritako zehapen ekonomikoen ondoriozko diru-sarrera guztiak, halakorik balitz.
- Modalitate bakoitzerako inskripzio epea bukatuak, NKJen programan parte hartzen duten kirol federazioek ziurtagiri bat bidali beharko dute NKIra, kirol federazio bakoitzaren idazkariak sinatua eta lehendakariaren oniritzia duena. Bertan, bi datu hauek agertuko dira: guztira zenbat kirolarik hartzen duten parte eta programan parte hartzeko gaikuntza lortzeko tasetan ordaindu duten diru-zenbateko guztia.
- Kirol federazioek diru-kopuru osoa sartu beharko dute Nafarroako Foru Ogasunean, betiere NKIko Kirolaren Zuzendariordetzak egiaztatu eta balidatu ondoren. Horretarako, NKIk ordainketa-gutun bat igorriko die, sartu beharreko diru-kopurua adierazia duena.
- Nafarroako Kirol Jokoen programan parte hartzen duten kirol federazioek, jarduera bukatutakoan, prozedura bera jarraituko dute NKJen araudia ez betetzeagatik zehapen ekonomikoen ondoriozko diru-sarrekin, halakorik baldin balitz.

SEIGARRENA: Kirol programa.

KIROL MODALITATEAK	ESPEZIALITATEA	KATEGORIAK	ADINA	EGUTEGI OROKORRA

ARAUTEGIA: hitzarmen honi eranskin gisa gehituko den arautegi partikularra aplikatuz gauzatuko da kirol jarduera. Edonola ere, txapelketa hasi baino 20 egun lehenago, garatu beharreko kirol proiektua aurkeztu beharko dute, honako hauek zehazten dituela: programaren helburuak, arautegian zehaztuta daudenak; arautegi teknikoa; txapelketaren araudia; inskripzio epeak, eta txapelketaren edo kirol jardueraren egutegia, hori guztia kategoria/adinen eta kirol espezialitateen arabera.

Dokumentazio hori aurkezteko, bai eta amaierako memoria aurkezteko ere, NKIk eredu bana emanen du, bat proiekturako eta bestea memoriarako, eta horiek erabiliko dituzte kirol federazioek.

Jardunaldi guztiak NKJen XXXIV. edizioari dagokion aldian egin behar dira.

Nafarroako Kirol Jokoen programa alda daiteke deialdian ezarritako kategoriei dagokienez, egin beharreko modalitateei eta jardueri dagokienez, txapelketarako hasieran programatutako iraupenari dagokionez, jardunaldi kopuruari dagokionez edo, federazioekin Nafarroako XXXIV. Kirol Jokotarako konprometituri aurrekontu kredituaren arabera, finkatzen diren gastuen beste kontzeptu batzuei dagokienez, NKIri jakinarazi eta horrek baimendu ondoren. Jardueraren bat bertan behera utzi behar bada, berreskura daiteke NKIren oniritziarekin, baldin eta aurrekontuko urte berean egiten bada, eta 2020ko irailaren 1etik 2021eko abuztuaren 31ra bitarte.

Beti ere, NKIren diru-ekarpenak ez du subrogaziorik ekarriko Nafarroako XXXIV. Kirol Jokoen ondoriozko inolako betebeharratan.

ZAZPIGARRENA: NKJetan parte hartzen duten kirol federazioek konpromisoa hartzen dute NKGIk jarritako dirua ezarritako xedeetarako erabiltzeko, eta institutu horrek egin nahi dituen egiaztapenak onartu eta errazteko.

ZORTZIGARRENA: Nafarroako Administrazio Publikoetan Nafarroako bertako hizkuntzen erabilera arautzen duen indarreko araudiari eta Nafarroako Kirolaren Institutuaren estatutuak onetsi zituen azaroaren 15eko 326/2019 Foru Dekretuari jarraituz, pertsona guztien hizkuntza eskubideak bermatzeko, kirol federazioek bermatuko dute euskara komunikazio guztietan agertzen dela: paperak, inskripzio-orriak, kartelak, hedatzeko baliabideak, megafonia eta publizitate leloak.

BEDERATZIGARRENA: Kirol programak sortzen duen informazio guztia hedabideetan publizitate bidez zabaltzeko eskumen osoa NKIri dagokio.

Programan parte hartzen duten kirol federazioek konpromisoa hartzen dute jardunaldi bakoitzeko txapelketako emaitzei, sailkapenei eta jokatzeko toki-egunei buruzko datuak emateko, ezartzen den prozeduraren bidez eta maiztasunez, bai eta argi eta garbi kiroltasunaren aurkakoak diren gorabeherak ere, NKIk proposatutako euskarri informatikoa erabiliz, jardunaldi bakoitza egin eta ondoko astelehenean, 20:00ak baino lehen, Nafarroako Kirol Jokoen sortzen duten informazioa bideratu ahal izateko.

HAMARGARRENA: Programan parte hartzen duten kirol federazioek Nafarroako Gobernuaren (8/2020 Foru Dekretua, urtarrilaren 12koa) eta NKIren logo ofizialak eta NKJen programari dagozkionak erabili beharko dituzte paperetan, karteletan, hedabideetan eta/edo publizitate euskarrietan eta instalazioetan. Gainera, NKJen irudian kirol modalitate bakoitza adierazteko dauden diseinu eta marrazkiak erabili nahi izanez gero (dela orokorrak, dela propio egindakoak), baimena eskatu beharko diote NKIri.

Kirol federazioek diseinu horiek erabiltzen badituzte NKIren aurreko baimenik gabe, institutuak ahalmena izanen du hitzarmen hau suntsiarazteko, dagokiokoen kalte-ordaina galarazi gabe.

HAMAİKAGARRENA: Programan parte hartzen duten kirol federazioek bermatu behar dute Sexu Delitugileen Erregistro Zentralaren ziurtagiri negatiboa dutela federazioetako pertsona guztiek edo haiek kontratatutakoek, NKJen programarekin lotura duten eginkizunak badituzte eta adingabeekin harremana badute. Adingabeen Babes Juridikoari buruzko urtarrilaren 15eko 1/1996 Lege Organikoaren 13. artikuluko 5. apartatuaren arabera (uztailaren 28ko 26/2015 Legeak aldatu baitzuen). Halaber, programan parte hartzen duten klub guztiek bete behar dute baldintza hori. Programan parte hartzen duten klubek egiaztatu eta gorde behar dute ziurtagiri hori. Parte hartzen duten klubek erantzukizunpeko aitorten bat (III. ERANSKINA) aurkeztu beharko dute dagokion kirol federazioan, kirol entitatearen buruak izenpetutakoa, adierazten duena NKJetan parte hartzen duten klubeko pertsonak ez direla epai irmo baten bidez kondenatuak izan sexu delitu batengatik.

Baldintza hauek betetzen ez dituzten klubek ezin izanen dute parte hartu NKJetan.

HAMABIGARRENA: Programan parte hartzen duten kirol federazioek ahalbidetu behar dute kirolari guztien parte-hartze inklusiboa, edozein delarik ere haien etnia, sexu orientazioa, ideologia, sexua, desgaitasuna, erlijioa eta errendimendu maila.

Zehazki, eskola-ume guztien parte-hartzea baimendu eta sustatu beharra dago, salbuespenik gabe, eta neurriak aurreikusi desgaitasunen bat duten eskola-umeen integrazioa sustatzeko, egokitzapen bat behar badute edo ez. Modu berean, onar daiteke desgaitasunen bat duten eskola-umeek parte hartzea adinez dagokien kategoria baino txikiagoa den batean, horrela errazten bada txapelketa horretan sartzea, betiere Nafarroako Kirolaren Institutuak baimena eman ondoren.

NKJn parte hartzen duen kirol federazioak prestatu eta garatu beharreko kirol proiektuak sentikortasun berezia agertuko du kirolaren balioekiko eta emakumeen kirolarekiko, eta genero berdintasunaren irizpideei jarraituz antolatuko da.

HAMAHIRUGARRENA: Programan parte hartzen duten kirol federazioek hitzarmen honen klausuletan ezarritakoa betetzen ez badute, Nafarroako Kirolaren Institutuak ahalmena izanen du

hitzarmena alde bakarretik suntsiarazteko, antolamendu juridikoan ezarritako gainerako erantzukizunak galarazi gabe.

HAMALAU GARRENA: Antolaketa Batzorde bakar bat izendatuko da kirol guztietarako. Kide hauek osatuko dute:

- NKIko lau ordezkari: Kirola Sustatzeko Ataleko burua, Kirol Jokoen Bulegoko burua eta Kirolaren Zuzendariordetzako 2 teknikari.
- Kirol federazioen bi ordezkari:
 - bata, banakako kirolen izenean,
 - eta bestea taldekako kirolen izenean. Bi ordezkari horiek kirol federazioek beraiek proposatuko dituzte.
- Toki entitateen 2 ordezkari, Nafarroako Udal eta Kontzejuen Federazioak proposatuak.

EGINKIZUNAK:

- NKJen antolaketa orokorra begiratzea.
- Jokoen araudia prestatzen laguntzea.
- NKJen antolamenduaren alderdi orokorre buruzko erabakiak hartzea.

HAMABOS GARRENA: Kirol federazio bakoitzean Jarraipen Batzorde bat sortuko da, honako kide hauek osatuko dutena:

1. –Nafarroako..... Kirol Federazioaren bi ordezkari
 - ☐ Nafarroako..... Kirol Federazioaren idazkari teknikoa
 - ☐ Nafarroako..... Kirol Federazioko Epaileen Batzordeko burua
2. –Nafarroako Kirolaren Institutuko hiru ordezkari:
 - ☐ Kirola Sustatzeko Ataleko burua.
 - ☐ Kirol Jokoen Bulegoko burua.
 - ☐ Kirolaren Zuzendariordetzaren teknikari bat.

EGINKIZUNAK:

- Kirol modalitate bakoitzaren antolaketa orokorra, garapena eta ebaluazioa begiratzea, baita txapelketa sistema, erregelamendu tekniko eta diziplinako onestea ere, adinari egokituak eta kirol federazioek proposatuak, eta kiroltasunez jarduten dela eta hura programan aintzat hartzen dela bermatzea.
- Laguntzaileak izendatzea, programaren garapena gainbegiratu, jarraitu, informatu eta hobekuntzak proposatzeko. Batzordea eta laguntzaileak baimenduak egonen dira, eta gaitasuna izanen dute NKJen helburuak eta kirolaren balioak betetzen diren begiratzeko.
- Jarduera egitean diziplinaren kontra gertatzen ahal diren salbuespenezko ekintzak aztertzea, eta, komenigarri baderitzote, kasu horietan izan litezkeen kirol zehapenak betetzeko alternatibak proposatzea diziplina batzordeei.
- Joan-etorriak direla-eta, partidak jokaleku neutral batean joka daitezela baimentzea.
- Programaren garapenean sortzen diren arazoak konpontzea, kalitatea ahalik eta onena izan dadin.

Behar adina aldiz elkartuko da, egoerak eskatzen duenean eta kideetako edozeinek eskatzen duenean.

HAMASEI GARRENA: Kirol federazioak konpromisoa hartzen du NKJen programako inskripzioak kudeatzeko, bat etorri Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan ezarritakoarekin; antolakuntzak beharrezkoak diren neurriak hartuko ditu bere datuen isilpeko tratamendua bermatzeko.

Parte hartzen duten kirol federazioek sinatuta aurkeztu behar dute datu-tratamenduaren arduradunaren eta eragilearen arteko kontratua, V. ERANSKINEAN jaso dena.

HAMAZAZPI GARRENA: kirol federazioak konpromisoa hartzen du parte hartzeko NKIki NKJtarako balioak eta kiroltasuna bultzatzen dituen sustapen programetan. Era berean,

federazioak jakinaraziko die eta eskatuko die NKJetan parte hartzen duten klubei parte har dezatela balioak eta kiroltasuna sustatzeko ekintzetan. Halaber, kirol federazioak eskatuko die NKJetan parte hartzen duten klubei kiroltasunaren arduradun bat izendatzeko.

HEMEZORTZIGARRENA: NKiko zuzendari kudeatzaileak ebatziko ditu hitzarmen hau gauzatzearen ondoriozko gorabehera guztiak eta klausula hauek interpretatzean sortzen diren desadostasunak. NKiko zuzendari kudeatzailearen ebazpenaren aurka bidezko izanen da gora jotzeko errekurtsua aurkeztea, Kultura eta Kiroleko kontseilariari zuzendua, jakinarazi eta biharamunetik hilabeteko epean.

Eta, hala jaso dadin, hitzarmen honen bi ale sinatzen dira,
Iruñean, 2020koaren(e)(a)n.

NAFARROAKO KIROLAREN INSTITUTUKO
ZUZENDARI KUDEATZAILEA

NAFARROAKO
FEDERAZIOKO BURUA